



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Secta nova, Tremblantium dicta.

urn:nbn:de:hbz:466:1-40853

nis & hæresis causam ministravit. Notior hæc res est in recenti hominum memoria, & historiis, quam ut hic exponi debeat.

3. In Germania, primam hæresis Lutheranæ causam & originem fuisse gravem Lutheri iram & offenditionem in Pontificem Romanum, quod in prædicatione solenni Indulgentiarum Apostolicarum, æmulis assumptis, ipse neglectus & exclusus fuerit Placuerunt ipsi Indulgentiæ, quas prædicare ambiebat, placuit fides Ecclesiæ Romanæ, quam semper hactenus tenuit, & publicè prædicavit: displicuit suæ Personæ contemptus, qui illum in furias egit. Illum ut vindicaret, tum demum omnia in Pontificem & Ecclesiam probra excogitanda, & evomenda fuerunt.

Hæc quisquis singula mature expenderit, priorum defectionum modernus Sectator, fieri non potest quin evidenter perspiciat, causam suæ separationis ab Ecclesia Romana, non esse hujus errores, sed priorum, quos ostendi, Libidinem, iram, aut ambitionem.

Hæc, moderne Sectator, sunt quæ te cum illis ab Ecclesia separarunt, hæc sunt propter quæ illi errores tot sæculis ignoros pro separationis suæ larva, Ecclesiæ affinxerunt. Hujus evidentiæ seria consideratio plures salutis suæ studiofios adegit, ut ad Ecclesiæ desertæ gremium mature redirent, quod & tu, nisi perire malis, facias necesse est.

Secta nova, Tremblantium dicta.

Non ita pridem anno Christi 1655. originem sumpsit in Anglia, nova Secta, Tremblantes dicti, qui cæperunt Londini, quasi æstro-

N. 5

quædam:

298 *Tract. 3. Art. 5. Sectarum Singulnum*
quodam perciti, in compitis, ac triviis compa-
rere solo inducio tecti, cætera nudi. Hi miras vi-
siones, suaque somnia tanquam revelationes
divinas populo referebant, ac velut conciona-
bundi & divino Spiritu agitati monebant ope-
rare *in timore & tremore salutem operari*, atque hinc
illud Tremblantium nomen accepere. Horum
aliqui comprehensi sunt & flagellis cæsi, quo-
rum præcipuus erat Iacobus Nailor, qui desertâ
militiâ, in qua sub Fairfaxio agebat castrorum
metatorem, his Fanaticis se ducem præbuit. Et
quamvis publicè stigmate inustus, lingua etiam
candenti ferro perforata, & ergastulo demum
inclusus fuerit, nihil tamen de sua insania remi-
sit. Pergitque etiamnum hæc malefana rabies
per varias Angliae provincias multorum ani-
mos occupare.

Docet hæc Secta primò, Scripturas tam ve-
teris, quam novi testamenti nequaquam esse
Dei verbum.

Secundò, In Scripturis non contineri veram
lucem, quæ homines ad salutem adducere de-
beat.

Tertiò, Omnes omnino homines hac verâ ac
salutari luce instructos esse, sic ut necessarium
non sit ad eam docendam Ministros aut præco-
nes ullos designari.

Quartò, Homines non justificari per fidem in
Christum, sed per opera.

Quintò, Pro hominum corporibus post mor-
tem, neque constitutum esse cælum, neque in-
fernum, in quo vitam agant immortalem.

Denique corpora nostra, postquam mortua &
sepulta fuerint, nunquam amplius ad vitam re-
ditura. En qualia hæc ætas etiamnum monstra-
parturiat: quæ facile refelluntur ex iis quæ de
Spiritu

Spiritu privato, aliisque fidei articulis supra tradidimus tract. i. cap. 6. &c.

Secta Anabaptistarum, & Mennistarum.

MENNO in Frisia non contentus amplecti dogmata Anabaptistis propria, se novæ Sectæ ducem constituit, habetque per Hollandiam, Frisiamque asseclas complures, qui à Menno passim Mennistæ nuncupantur.

Itaque præter errores illis cum Anabaptistis communes, de pueris non Baptizandis; de peccato originali non admittendo; de repudiando inter Christianos Magistratu politico; de Juramento, ac de Bello inter Christianos semper illicito; de animabus justorum in cælum non recipiendis ante extreimum judicium.

Mennistæ insuper male sentiunt de mysterio SS. Trinitatis, & distinctione trium Personarum, quibus dicunt in verbo Dei nullum fundamentum assignari, cum nomen Trinitatis, aut Personæ divinæ nullibi in Scripturis reperiatur, ideoque videntur ad Arianismum declinare. Sed hi breviter interrogandi, An credant Scripturam flandricam esse purum verbum Dei? Credunt mordicus. Et tamen nomen Scripturæ flandricæ nusquam in verbo Dei Scripto reperiatur: neque dicitur hæc cum hebræo originali per omnia convenire.

Mysterium autem Trinitatis, & tres Personæ, et si non ipsis terminis, satis tamen re ipsâ exprimitur in Scripturis, ut in epist. i. Ioannis cap. 5. v. 7. Tres sunt qui testimonium dant in Cælo, Pater, Verbum, & Spiritus Sanctus, & hi tres unum sunt, & sepius alibi.

2. Docent Mennistæ Christum de corpore

N 6

Virginis